

Aktuelnosti:

1. Prezentacija općina u okviru Beacon scheme
2. Konferencije o uvođenju trezorskog/rizničnog poslovanja u JLS
3. Prezentovana studija planiranja i održivog upravljanja zemljišnim resursima
4. Sastanak radne grupe za izradu strateških dokumenata
5. Održana 12. sjednica Predsjedništva Saveza
6. Vijeće ministara BiH podržalo inicijativu za pomoć općinama zahvaćenim poplavama
7. VM o zaključivanju sporazuma o kreditu za vodosnabdijevanje Općine Čelić
8. Prezentirana strategija EU za unapređenje razvoja Dunavskog regiona
9. Sarajevski dani znanja o energetskej efikasnosti
10. Vlada FBiH o realizaciji projekta «Upravljanje čvrstim otpadom»
11. Finansijska pomoć općinama i kantonima
12. NALAS radionica za saradnike za odnose sa javnošću
13. Potpisan memorandum o razumjevanju za energetskej efikasnost u BiH
14. Općina Centar pomaže nerazvijene općine
15. Održan sastanak o poboljšanju međuopćinske saradnje u BiH
16. Studijska posjeta Stalnoj konferenciji općina i gradova
17. Izabran novi predsjednik CEMR-a

Poštovani članovi i čitaoci,



NAJAVA

MEĐUNARODNI SAJAM OPĆINA

Sarajevo, 10-11. mart/ožujak 2011

NALAS-a (Mreža asocijacija lokalnih vlasti jugoistočne Evrope, www.nalas.eu) u suorganizaciji Saveza općina i gradova Federacije BiH organizira Sajam općina i gradova jugoistočne Evrope.

Sajam će se održati u Sarajevu dvorana Zetra u periodu 10. – 11. mart/ožujak 2011. godine.

Na sajmu se očekuje učešće velikog broja delegacija jedinica lokalne samouprave iz 14 država članica NALAS-a ali i drugih gradova Evrope. Uz to veliki broj lokalnih i međunarodnih organizacija, potencijalnih investitora i poslovnih kompanija će biti predstavljeni na ovom sajmu. Ovaj događaj podržalo je i Predsjedništvo Skupštine Saveza općina i gradova Federacije BiH.

Elektronsku verziju brošure o Sajmu možete pogledati na www.nexpo.nalas.eu, a registraciju za učešće već sada možete popuniti na istoj web stranici.

Molimo Vas da izvijestite potencijalne izlagače sa područja vaše općine/grada o ovom događaju te planirate sredstva u budžetima za predstavljanje vaše općine/grada na ovom sajmu.



Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten proslijedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

[Kontaktirajte nas](#)

[Telefoni:](#)

033/ 216 502, 033/ 552 810
033/ 552 812

[Fax: 033/552 811](#)

<http://www.sogfbih.ba>

PREZENTACIJA OPĆINA U OKVIRU BEACON SCHEME BIH



SARAJEVO, 21. decembar/prosinac – Nakon uspješno sprovedenih aktivnosti u petom krugu Beacon scheme koju realizira Savez općina i gradova Federacije BiH u saradnji sa Savezom opština i gradova RS-a, a koje su se odnosile na podnošenje aplikacija zainteresiranih općina iz oba entiteta za dobijanje statusa Beacon, verifikaciju podnešenih aplikacija i realiziranja verifikacionih posijeta, u Sarajevu je 20. i 21. decembra/prosinca održana prezentacija općina koje su ušle u uži krug za dobijanje statusa Beacon. Petnaest općine su prezentirale svoja iskustva i najbolje prakse iz onih oblasti za koje su aplicirale za dobijanje statusa Beacon. Teme za koje su mogle aplicirati općine su:

- Međuopćinska saradnja
- Položaj i uloga mjesnih zajednica u jedinicama lokalne samouprave
- Priprema i upravljanje projektima Evropske unije

Općine koje su ušle u uži krug su sljedeće: Bihać, Livno, Novo Sarajevo, Grad Sarajevo, Kakanj, Tuzla, Grad Istočno Sarajevo, Trnovo (RS), Srebrenica, Banja Luka, Bijeljina, Novi Grad (RS), Kostajnica, Šamac i Berkovići.

U toku januara 2011. godine biće odlučeno koje su općine ponijele Beacon status za 2011. godinu. Ukupan nagradni fond za 5. krug Beacon scheme iznosi 48.000,00 KM.



ODRŽANA KONFERENCIJA O UVOĐENJU TREZORSKOG POSLOVANJA NA LOKALNOM NIVOU



SARAJEVO, 17. decembar/prosinac – U organizaciji Saveza općina i gradova Federacije Bosne i Hercegovine, a u saradnji sa projektom "Jačanje lokalne samouprave" Njemačkog društva za tehničku saradnju (GTZ), u Sarajevu, 17. decembra (petak) održana je Konferencija na temu "**Uvođenje trezorskog/rizničnog poslovanja na lokalnom nivou**".

Cilj uvođenja trezorskog poslovanja u jedinice lokalne samouprave u Federaciji BiH (FBiH) su transparentnost računa, unapređenje upravljanja javnim rashodima i racionalnost trošenja sredstava. Pomoćnik ministra u sektoru za trezor Federalnog ministarstva finansija, Petar Ivošević kazao je da postoje tri modela uvođenja trezorskog poslovanja u općinama. "Prvi je da se svaka općina sama uvodi ovaj

<http://www.partnerstvogradova.ba/>

<http://www.nexpo.nalas.eu>

e-mail: amir@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

KORISNI LINKOVI ZA PREDPRISTUPNE FONDOVE:

<http://www.southeast-europe.net/en/>

<http://www.adriaticipacbc.org/>

<http://www.interregadriatico.it/index1.html>

<http://www.europa.ba/>

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>

<http://www.programmemed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

sistem poslovanja. To je najskuplji model i takvo uvođenje podrazumijeva raspisivanje tendera, iznalaženje sredstava, zapošljavanje dodatne radne snage i novih struktura u općinskim službama finansija. Takav sistem košta oko 100.000 KM po općini. Drugi način je da se na nivou kantona nabavljaju serveri za potrebe općina. Ovo je model koji mi zagovaramo i koji bi zahtijevao manji broj uposlenog tehničkog osoblja i koštao bi godišnje za jedan kanton između dva i četiri miliona KM", treći model, koji bi koštao oko 1,5 miliona KM za sve općine u FBiH, je da se nabavi jedinstven server koji bi opsluživali tri-četiri čovjeka i općina bi s tim serverom bila povezana on-line. "Federalno ministarstvo finansija uputilo je zahtjev prema Ministarstvu finansija i trezora BiH da se iz IPA fondova osiguraju dodatna sredstva za uvođenje trezorskog poslovanja u nižim nivoima vlasti. Procedura dobijanja tih sredstava traje dugo i, prema našim informacijama, ta sredstva se mogu očekivati u naredne dvije godine", kazao je Ivošević.

Prvobitni rok za uvođenje trezorskog poslovanja u jedinice lokalne samouprave, prema Zakonu o budžetima Federacije BiH, bio april/travanj 2009. godine, međutim pošto nijedna općina (izuzev Općine Novi Grad Sarajevo) i vanbudžetski fond nisu ispoštovali ovaj rok, on je, na inicijativu Saveza općina i gradova Federacije BiH produžen do 20. maja 2011. godine.

S obzirom na to da je riječ o zahtjevnom procesu, kako je kazao Ivošević predloženo je da novi rok za uvođenje trezorskog poslovanja bude maj/svibanj 2012. godine.

Federalno ministarstvo finansija pripremilo je pet priručnika o ovoj temi, koji će općinama biti distribuirani posredstvom Saveza općina i gradova FBiH.

Direktorica SOGFBiH Vesna Travljanin izjavila je da je, od ukupno 80 općina u FBiH, samo jedna uvela trezorski način poslovanja, a riječ je o Općini Novi Grad Sarajevo. Pomoćnik načelnik za finansije Općine Novi Grad Emir Dedović je istakao da je ova općina uvela trezorsko poslovanje od 1. januara 2009. godine. "Danas ćemo prenijeti svoja iskustva kada je u pitanju uvođenje i implementacija trezorskog poslovanja. Pred općinama je dug put koji je jako zahtjevan, ali uvođenje trezorskog poslovanja ima višestruke prednosti. Ključna prednost je efikasnije

upravljanje finansijskim sredstvima i kontrola nad utroškom budžetskih sredstava", naglasio je Dedović.

Načelnik Općine Kakanj Mensud Jašarspahić-Suri je kazao da ova općina već dugo radi na uvođenju trezorskog poslovanja. "Kakanj je veoma jaka općina kada je u pitanju privreda i imamo solidan budžet, ali i mnogo



izdvajanja prema javnim preduzećima i ustanovama. Ovaj novi način trezorskog poslovanja će biti uredniji, transparentniji i javan. Kompletно poslovanje će se voditi preko trezora, tako da će se znati koliko se troši i u koje svrhe, zatim kolike su plate, porezi, doprinosi, koliko se izdvaja za socijani sektor, za penzionere...", rekao je Jašarspahić.

Današnjoj konferenciji prisustvovalo je preko 130 učesnika iz skoro svih općina Federacije BiH, i predstavljala je uvod u niz radionica o temi uvođenja trezorskog poslovanja, koje će Savez općina i gradova FBiH održati od januara do marta 2011. godine.

PREZENTOVANA STUDIJA PLANIRANJA I ODRŽIVOG UPRAVLJANJA ZEMLJIŠNIM RESURSIMA



SARAJEVO, 15. decembar/prosinac

– "Studija planiranja i održivog upravljanja zemljišnim resursima na području općine Novi Grad Sarajevo" prezentovana je danas u prostorijama ove općine.

Kako je rečeno na prezentaciji, glavni cilj Studije je racionalno korištenje poljoprivrednog zemljišta i definisanje kvaliteta zemljišnog fonda.

"Zemljišni resursi u BiH su ograničeni, a kvalitetnog zemljišta je sve manje. Ova općina nije poljoprivredna, već urbana i trebamo zaštititi preostalo zemljište", rekao je prezentator Studije, profesor na Poljoprivredno-prehrambenom fakultetu u Sarajevu Hamid Čustović. Docent na Šumarskom fakultetu u Sarajevu Sead Vojniković je kazao da šume zauzimaju oko 26 odsto područja općine Novi Grad, "ali su veoma degradirane, rascjepkane i lošeg kvaliteta".

Studiju je izradio Poljoprivredno-prehrambeni fakultet u Sarajevu, a finansirala Općina Novi Grad u iznosu od 50.000 KM.

U okviru prezentacije, uručeni su ugovori za dodjelu 25 plastenika poljoprivrednim proizvođačima koje je finansirala Općina Novi Grad u iznosu od 60.000 KM.

SASTANAK RADNE GRUPE ZA IZRADU STRATEŠKIH DOKUMENATA SAVEZA

SARAJEVO, 15. decembar/prosinac – U skladu sa programskim aktivnostima na realizaciji projekta „Razvoj kapaciteta saveza općina i gradova” u Sarajevu, dana 15. decembra/prosinca sastala se Radna grupa za izradu Strateškog plana Saveza općina i gradova Federacije Bosne i Hercegovine.

Radnu grupu za izradu Strateškog plana čine četiri načelnika – Hamdo Ejubović, Mensur Jašarspahić – Suri, Ibrahim Hadžibajrić i Ermin Hajder, kao i uposlenici u Stručnoj službi Saveza.

Ove aktivnosti se sprovode u okviru komponente 1 – „Institucionalni i strateški razvoj” u okviru koje je planirano revidiranje, ažuriranje kao i izrada novih strateških



dokumenata Saveza. U taj set dokumenata spadaju Strateški plan, Strategija lobiranja, Strategija komunikacija, Plan razvoja ljudskih resursa, Strategija razvoja usluga.

Na ovom sastanku započete su aktivnosti na izradi okvira Strateškog plana, urađena SWOT analiza, te je diskutovano o budućim prioritetima i donošenju strateških odluka. Planirano je da se sljedeći sastanak održi u toku januara/siječnja na kojem će se prezentirati prvi nacrt Strateškog plana. Nakon izrade nacrt Strateškog plana, u februaru/veljači uputit će se svim članicama Saveza na ocjenu i komentare. Konačna verzija prijedloga Strateškog plana bit će prezentirana na Skupštini Saveza koja je planirana da se održi u martu/ožujku u Sarajevu, u vrijeme održavanja sajma NEXPO.

Inače, projekat „Razvoj kapaciteta saveza općina i gradova” implementiraju Savez općina i gradova Federacije Bosne i Hercegovine (SOGFBiH), Savez opština i gradova RS i Međunarodna kooperativna agencija saveza općina Kraljevine Holandije (VNG – International), a finansira Švedska međunarodna agencija za razvoj i saradnju (Sida).

ODRŽANA 12. SJEDNICA PREDSJEDNIŠTVA SKUPŠTINE SAVEZA

U Zavidovićima je dana 14.12.2010. godine održana **Dvanaesta sjednica Predsjedništva Skupštine Saveza općina i gradova Federacije Bosne i Hercegovine**. Sjednici su prisustvovali sljedeći načelnici: Husejin Smajlović, načelnik Općine Zenica, predsjednik, Amer Čenanović, načelnik Općine Ilidža, Salem Dedić, načelnik Općine Jablanica, Rasim Omerović, načelnik Općine Kalesija, Vlado Alilović, načelnik Općine Vitez, Hakija Osmić, načelnik Općine Zavidovići, Muhamed Ramović, načelnik Općine Goražde, Luka Čelan, načelnik Općine Livno, Ermin Hajder, načelnik Općine Bosanski Petrovac, Hasan Ajkunić, načelnik Općine Bugojno, Luka Jurić, načelnik Općine Odžak i Miroslav Živanović, zamjenik gradonačelnika Grada Sarajeva.

Pored gore navedenih, sjednici su prisustvovali i: Dragana Solaković, pomoćnik gradonačelnika Grada Sarajeva, Vesna Travljanin, direktor Saveza, Zlata Turkić, viši saradnik za rad sa skupštinskim komisijama i institucijama vlasti i Elvira Imširović-Bolić, viši saradnik za pravna pitanja.

Nakon uvodnog predstavljanja općine od strane domaćina, Hakije Osmića, načelnik Općine Goražde upoznao je Predsjedništvo o alarmantnom stanju u koje se nalazi njegova općine usljed velikih poplava koje su zadesile ovo područje. Apelovao je na sve prisutne koji mogu da pomognu da to učine kroz donaciju građevinskog materijala ili novčanim uplatama, s obzirom da je potrebno u potpunosti izgraditi 22, a renovirati oko 200 kuća. Načelnik Općine Ilidža je istakao da je najveći problem u nemogućnosti adekvatnog preventivnog djelovanja, s obzirom na

zakonska ograničenja trošenja sredstava Civilne zaštite. Direktorica Saveza, gđa Travljanin je istakla kako je Savez zatražio pomoć za najugroženije općine, te kako se Švajcarska agencija za razvoj jedina odazvala i iskazala spremnost za pružanjem pomoći. U vezi sa ovim, usvojeni su zaključci **da se pokrene inicijativa za kvalitetno trošenje sredstava vodne naknade, da se pokrene izmjena Zakona o civilnoj zaštiti u smislu da se ostavi mogućnost drugačije namjene trošenja sredstava u skladu sa okolnostima i da se sve općine u Federaciji BiH uključe u pomoć općinama koje su stradale u poplavama (Goražde, Foča Ustikolina, Ravno, Neum i Čapljina).**

Na sjednici su, između ostalog razmatrani materijali i zaključci sa sjednice Komisije za ustavna i zakonodavna pitanja gdje je raspravljano o Kodeksu o međuadministrativnim odnosima u Federaciji BiH i Zakonu o zaposlenicima u organima jedinica lokalne samouprave. Nakon prezentiranja, Predsjedništvo je podržalo zaključke Komisije.

Predsjedništvo je usvojilo i inicijativu za izuzimanje jedinica lokalne samouprave iz Zakona o fiskalizaciji u Federaciji BiH s obzirom da su općine zbunjene u pogledu da li se taj zakon odnosi i na jedinice lokalne samouprave.

Predsjedništvo je jednoglasno usvojilo informacije o aktivnostima Saveza na aktuelnim projektima kao što su Moje dvorište, Beacon schema, NEXPO – Sajam općina i gradova Jugoistočne Evrope i informaciju o održanoj Konferenciji «Uvođenje trezorskog poslovanja na lokalnom nivou.

Također, nakon diskusije usvojena je informacija o izboru regionalnih lokaliteta za izvođenje obuke za uposlenike i izabrane dužnosnike u sklopu projekta «Sistem obuke za jedinice lokalne samouprave», zatim održanoj konferenciji u organizaciji CCI-a na temu: „Revitalizacija mjesnih zajednica u BiH“, konferenciji CEMR-a (Vijeća evropskih općina i regija), implementaciji projekta PERA, te o održanom dvodnevnom seminaru za partner općine Federacije BiH i Kraljevine Norveške.

Sljedeća sjednica Predsjedništva održat će se u Bugojnu.

VIJEĆE MINISTARA BIH PODRŽALO INICIJATIVU ZA POMOĆ OPĆINAMA KOJE SU STRADALE U POPLAVAMA



SARAJEVO, 14. decembar/prosinac - Vijeće ministara BiH podržalo je na današnjoj sjednici Inicijativu Ministarstva za ljudska prava i izbjeglice BiH za pomoć općinama koje su stradale u poplavama.

Zaduženo je Ministarstvo za ljudska prava i izbjeglice da sačini prijedlog prioriternih općina kojima je potrebna pomoć i predloži kriterije za raspodjelu sredstava, saopštilo je Vijeće ministara BiH.

Također je konstatirano da će ovo ministarstvo, u saradnji s Ministarstvom finansija i trezora, predložiti izdvajanje sredstava iz tekuće rezerve budžeta institucija BiH i međunarodnih obaveza BiH.

Ministarstvo za ljudska prava i izbjeglice BiH razmotrit će mogućnost korištenja sredstava za pomoć općinama koje su stradale u poplavama iz budžeta Fonda za povratak, te će predložiti odgovarajuća rješenja Vijeću ministara BiH.

Ministarstvo sigurnosti zaduženo je da koordinira aktivnosti u vezi s prikupljanjem međunarodne pomoći za ove namjene, o čemu će blagovremeno obavijestiti Vijeće ministara.

VM BIH O ZAKLJUČIVANJU SPORAZUMA O KREDITU ZA PROJEKAT "VODOSNABDIJEVANJE I KANALIZACIJA U OPĆINI ČELIĆ"

SARAJEVO, 14. decembar/prosinac – Vijeće ministara BiH prihvatilo je danas u Sarajevu Inicijativu i odredilo delegaciju za vođenje pregovora radi zaključivanja Sporazuma o kreditu između BiH, koju zastupa Ministarstvo finansija i trezora, i Unicredit Bank Austria AG za Projekat "Vodosnabdijevanje i kanalizacija u općini Čelić", koji proizilazi iz Sporazuma između Vijeća ministara BiH i Vlade Austrije o finansijskoj saradnji.

Cilj projekta je rekonstrukcija kanalizacionog sistema u Općini Čelić. Iznos kredita je 3.111.803 eura i bit će alociran na Federaciju BiH. Tokom pregovora delegacije će dogovoriti rok otplate, visinu kamate i grejs period kredita.

PREZENTIRANA STRATEGIJA EU ZA UNAPREĐENJE RAZVOJA DUNAVSKOG REGIONA

SARAJEVO, 14. decembar/prosinac – Savjetnik generalnog direktora u Generalnoj direkciji za regionalnu politiku Evropske komisije (EC) David Sweet predstavio je danas u Sarajevu Strategiju Evropske unije (EU) za Dunavski region, koja je usmjerena na razvoj privrednog potencijala i unapređenje ekoloških uslova u regionu.



Evropska komisija nedavno je u Briselu predstavila svoj prijedlog Strategije EU za Dunavski region i njegovih 115 miliona stanovnika.

Uspostavljanjem okvira dugoročne saradnje na nizu pitanja, Strategija ima ključnu ulogu u unapređenju održivog saobraćaja, povezivanju energetske sistema, zaštiti životne sredine, očuvanju vodenih resursa i stvaranje povoljnog privrednog ambijenta.

U projektu učestvuju zemlje Procesu saradnje na Dunavu: Njemačka, Austrija, Mađarska, Češka Republika, Republika Slovačka, Slovenija, Bugarska, Rumunija, Hrvatska, Bosna i Hercegovina, Crna Gora, Moldavija i Ukrajina.

Ovo je druga EU strategija ovakve vrste, a tiče se makroregione. Inače, prva strategija odnosila se na Baltičku regiju. Dunavska regija obuhvata 14 zemalja. Od toga, osam zemalja su članice EU, dok ih je šest izvan nje.

Strategija je zasnovana na konsultacijama, a u njenu implementaciju uključene su zemlje regiona, njihove nevladine organizacije, gradovi i svi zainteresirani subjekti.

Uspostavljanjem okvira dugoročne saradnje na nizu pitanja, Strategija ima ključnu ulogu u unapređenju održivog saobraćaja, povezivanju energetske sistema, zaštiti životne sredine, očuvanju vodnih resursa i stvaranju povoljnog privrednog ambijenta. Strategija omogućava bolju zaštitu od prirodnih nepogoda, bolje obrazovanje, bolju saradnju među državama, a prvi cilj joj je bolje povezivanje ovog regiona putem saobraćajnih veza.

Takođe, predviđeno je, između ostalog, i povećanje teretnog saobraćaja za 20 posto, kao i uspostava zajedničkog sistema plovidbe, koji bi uključivao i rijeku Savu. Strategijom je predviđena zaštita Dunava i njegovih pritoka od zagađenja, te smanjenje rizika od poplava. Naglasak je na prevenciji, ali i na odgovoru kako

unaprijediti cijeli region.

"Strategija je način na koji zemlje EU, ali i one izvan nje, mogu raditi i sarađivati prema zajedničkom cilju. Ona bi trebala od ovog regiona napraviti regiju 21. stoljeća, a želimo unaprijediti život regije, kao i podstaći zapošljavanje", kazao je savjetnik generalnog direktora u Generalnoj direkciji za regionalnu politiku EC, dodavši da je važno uspostaviti i ponovnu bezbjednost u ovom regionu, kao što je smanjenje organizovanog kriminala.

U Strategiji se navodi niz mjera uključujući modernizaciju riječne flote, izgradnja dva mosta između Rumunije i Bugarske, promovisanje Dunavskog regiona kao turističkog odredišta, izgradnja potrebnih postrojenja za prečišćavanje otpadnih voda, uspostavljanje zajedničkih istraživačkih centara i unapređenje uslova života romskih zajednica.

Ovaj prijedlog trebao bi stupiti na snagu sredinom naredne godine, a Plan djelovanja biće redovno dopunjavan.

'SARAJEVSKI DANI ZNANJA O ENERGETSKOJ EFIKASNOSTI'



SARAJEVO, 14. decembar/prosinac – Grad Sarajevo je zajedno sa USAID-om, UNDP-om i GDZ-om organizator trodnevne konferencije „Sarajevski dani znanja o energetskej efikasnosti“. Gradonačelnik Alija Behmen se u ime domaćina grada Sarajeva obratio skupu riječima da je ova konferencija od velikog značaja prvenstveno za građane

Sarajeva s ciljem promocije ideje racionalnog korištenja energije, a i za gradske i kantonalne vlasti koje trebaju donositi bitne odluke koje se tiču kvaliteta življenja u urbanim sredinama. „Grad Sarajevo je prije nešto više od godinu dana pristupio Uniji gradova Europe (danas preko 2000, tada oko 400) koji su potpisnici dokumenta 'Povelja gradonačelnika' čime smo iskazali svoju spremnost i obavezali se na ozbiljan pristup problemu racionalnog korištenja energije, posebno u domenu zgradarstva, javne rasvjete i transporta“, istaknuo je gradonačelnik.

Behmen je dodao da je izrada akcionog plana održivog korištenja energije u gradovima (SEAP) u fazi finalizacije i realno je očekivati da će se u prvom tromjesečju naredne godine naći na dnevnom redu Gradskog vijeća. Ovim dokumentom je obuhvaćena cjelokupna teritorija KS.

U pripremi je i otvaranje info-centra za promociju aktivnosti radi povećanja energetske efikasnosti i korištenja obnovljivih izvora energije.

"Zajedno sa našim partnerima pripremamo projekat rekonstrukcije sistema zagrijavanja bazenske i sanitarne vode na Olimpijskom bazenu Otoka, gdje želimo ugraditi solarne kolektore i time značajno smanjiti troškove energije“, kazao je Behmen i dodao da je Grad Sarajevo aplicirao, zajedno sa gradovima Freiburg i Podgorica, kao i sa partnerom GTZ-om za projekte koji se finansiraju iz sredstva EU, u okviru programa FP7, s ciljem izgradnje "Prve pasivne kuće u gradu Sarajevu“.

Nažalost, u ovom krugu nismo prošli ali, dodao je Behmen, ne odustajemo i mislimo da ćemo već u narednom koraku uspjeti.



VLADA FBiH O REALIZACIJI PROJEKTA "UPRAVLJANJE ČVRSTIM OTPADOM"

SARAJEVO, 14. decembar/prosinac – Razmatrajući na današnjoj sjednici u Mostaru Finalni izvještaj Federalnog ministarstva okoliša i turizma o realizaciji Projekta "Upravljanje čvrstim otpadom", Vlada Federacije BiH (FBiH) je ocijenila da je završetkom I faze po obimu posla urađeno više od planiranog.

Projekat je implementiran u osam, umjesto tri planirane regije.

Radovi su kompletirani u regijama Sarajevo, Zenica i Bijeljina, a njihovim završetkom u svih osam regija biće omogućeno kvalitetno odlaganje otpada u 43 općine, čime se zadovoljavaju potrebe oko 1,5 milion stanovnika.

Ocjenjujući uspješnim ovaj projekat, za koji je 2008. godine dodijeljena nagrada na prvom svjetskom natjecanju Svjetske banke, za njegov nastavak Svjetska banka je odobrila novih 40 miliona KM.

VLADA FBiH: FINANSIJSKA POMOĆ KANTONIMA I OPĆINAMA

SARAJEVO, 14. decembar/prosinac - Vlada Federacije BiH je danas na sjednici u Mostaru donijela tri odluke kojima se odobrava raspored dijela sredstava iz Transfera drugim nivoima vlasti-kantonima utvrđenih Budžetom FBiH za 2010. godinu Federalnom ministarstvu finansija, saopštio je Ured za odnose sa javnošću Vlade Federacije BiH.

Prema ovim odlukama, Bosansko-podrinjskom i Posavskom kantonu dodijeljeno je po pet miliona KM, a Livanjskom kantonu 1,5 milion KM na ime finansijske pomoći. Vlada je donijela i odluke kojima je odobrila izdvajanje budžetskih sredstava na ime pomoći općinama: Pale-Prača 30.000 KM, Čapljini i Tuzli po 200.000 KM, Goraždu 150.000 KM, te Tomislavgradu, Ravnom i Ustikolini po 50.000 KM.

NALAS – RADIONICA ZA SARADNIKE ZA ODOSE SA JAVNOŠĆU



LJUBLJANA, 13. i 14. decembar/prosinac – NALAS PR mreža je ad-hoc mreža koja okuplja saradnike za odnose sa javnošću asocijacija lokalnih vlasti članica Nalas-a (Mreža lokalnih i regionalnih vlasti Jugoistočne Evrope). Cilj formiranja ove mreže jeste unapređivanje saradnje i razmjena znanja i njihovog unapređivanja kroz zajedničke projektne aktivnosti. Na inicijativu Nalasa slične mreže su formirane i u nekim nacionalnim asocijacijama kao što su ZELS, SKGO i AKM koje okupljaju općinske PR službenike.

Sastanak u Ljubljani koji je održan 13. i 14. decembra/prosinca je drugi sastanak ove vrste nakon prethodnog koji je održan u Ohriju u julu/srpnju 2008. godine. Ovaj sastanak je bio usmjeren na strategije komuniciranja Nalas-a i njegovih članica, kao i na odnose sa javnošću i komunikacije za posebne događaje kao što su nadolazeći NEXPO sajam u Sarajevu, redovni sastanci predsjednika nacionalnih asocijacija članica Nalas-a i godišnja Nalas Skupština.

Slijedeći ranije napore i iskustva na izradi Nalas Strategije komuniciranja, PR mreža je raspravljala o ponuđenom nacrtu Strategije komuniciranja 2011 – 2013., koju je uradio Vladimir Jovanović, ekspert Nalas-a.

Također, na sastanku se govorilo i o mogućnostima koje pružaju društvene internet mreže kao što su Wikipedia, Facebook i Twitter. Istaknuta je njihova korist za promociju asocijacija, kao i njihova praktičnost u jačanju sa članicama i medijskoj promociji.

Slijedeći sastanak ove mreže predviđen je da se održi sredinom naredne godine kada bi trebao biti usvojen konačan prijedlog Strategije komuniciranja Nalas-a.

USAID, UNDP I GTZ POTPISALI MEMORANDUM O RAZUMIJEVANJU ZA ENERGETSKU EFIKASNOST U BIH



SARAJEVO, 13. decembar/prosinac – Vršilac dužnosti direktora misije Američke agencije za međunarodni razvoj (USAID) u BiH Aler Grubbs, rezidentni predstavnik Razvojnog programa Ujedinjenih naroda (UNDP) u BiH Peter van Ruyseveldt i regionalni direktor za zapadni Balkan Njemačkog društva za tehničku saradnju (GTZ) Jutta Zinnel danas su u Sarajevu potpisali Memorandum o razumijevanju za energetska efikasnost u BiH.

Memorandum o razumijevanju između USAID-a, UNDP-a i GTZ-a predstavlja namjeru tri donatora da blisko sarađuju u oblasti energetske efikasnosti i prvi je dokument takve vrste na Balkanu.

Prema riječima A. Grubbs, u okviru konferencija, treninga, pilot projekta i u interakciji sa općinama, tri donatora će promovirati napore za racionalno trošenje energije, jer u BiH ima prostora da se naprave uštede pri racionalnoj potrošnji energije, s obzirom da je iznos koji je plaćen za utrošenu energiju u BiH u 2008. godini bio skoro 20 posto bruto društvenog proizvoda (BDP).

Prema riječima Peter van Ruyseveldta, sve je prisutniji zahtjev da BiH riješi pitanje energetske efikasnosti, kao potencijalna zemlja kandidat za prijem u EU, te kao strana u Energetskoj zajednici, koja od ugovornih strana traži da provedu značajne elemente Acquis Communautaire ili pravne stečevine EU po pitanju električne energije, prirodnog gasa, obnovljivih izvora energije, energetske efikasnosti, okoliša i konkurentnosti.

"Nažalost, u Izvještaju o napretku BiH tokom 2010, koji je izradila EU, kaže se da je bilo malo napretka na polju energetske efikasnosti i obnovljive energije. Energetski sektor u BiH karakteriše visok energetski intenzitet u poređenju sa razvijenim zemljama članicama EU, što je ključni pokazatelj lošeg stepena iskorištenosti energije".

UNDP će fokusirati svoje aktivnosti, između ostalog, na jačanje zakonskih propisa

oko energetske efikasnosti i institucionalnog okvira u BiH, osiguranje dugoročnog i održivog finansiranja energetske efikasnosti u BiH, te poboljšanje energetske efikasnosti i jačanje kapaciteta za upravljanje energijom na lokalnom nivou.

OPĆINA CENTAR PRUŽA POMOĆ OPĆINAMA VAREŠ, OLOVO I DOBOJ JUG



SARAJEVO, 13. decembar/prosinac

– Načelnici općina Vareš Hamdo Fatić i Olovo Alija Hadžiabdić, te pomoćnik načelnika Općine Doboj Jug Edin Hrvić posjetili su danas Općinu Centar, gdje su sa načelnikom Dževadom Bećirevićem potpisali protokole kojim ova sarajevska općina dodjeljuje finansijsku pomoć u ukupnom

iznosu od 50.000 KM za pomenute tri općine.

Na osnovu zahtjeva koje su Službi civilne zaštite Općine Centar uputili načelnici ove tri općine, iz grant sredstava Općine Centar namijenjenog za pomoć nerazvijenim općinama odobreno je 20.000 KM Općini Vareš i 10.000 KM Općini Doboj Jug za saniranje šteta od prirodnih nepogoda koje su tokom ove godine zadesile ta područja, dok je Općini Olovo dodijeljeno 20.000 KM za opremanje Operativnog centra civilne zaštite.

SASTANAK O POBOLJŠANJU MEĐUSOBNE SARADNJE OPĆINA U BOSNI I HERCEGOVINI



SARAJEVO, 10. decembar/prosinac –

U okviru projekta "Lokalno je primarno", koji realizuje OSCE misija u BiH, danas je u prostorijama Općine Centar Sarajevo održan sastanak

predstavnik OSCE, te općina Bileća, Foča, Konjic, Višegrad, Novo Sarajevo i Centar o temi "Međuopćinsko učenje i podrška", kao jedna od komponenti pomenutog projekta.

Između ostalog, na sastanku je usvojen Akcioni plan, čiji je cilj razmjena dobrih praksi i učenje po više aspekata liderstva, a posebno poboljšanja u unutrašnjim organizacijama navedenih lokalnih zajednica, internoj komunikaciji, te prenosu ovlaštenja i stimulisanju državnih službenika i namještenika.

Za februar 2011. godine planiran je sastanak svih načelnika pomenutih općina, s ciljem njihovog upoznavanja sa provedenim aktivnostima, te pribavljanja relevantnih podataka za poboljšanje učinkovitosti aktivnosti iz Akcionog plana.


OSCE misija u BiH je krajem marta 2009. godine predstavila projekat "Lokalno je primarno", čiji je cilj unapređenje kvalitete lokalne uprave i povećanje učešća građana u javnom životu.

Inicijativa je pokrenuta u partnerstvu s općinama i organizacijama civilnog društva, a zasniva se na nekoliko programa koje je OSCE realizirao u prošlosti i uključuje nekoliko novih komponenti radi izgradnje jače, otvorenije i odgovornije lokalne

uprave: promoviranje zapošljavanja mladih, jačanje lokalnih medija, izgradnja partnerstva između građana i lokalne vlade.

Program se sastoji od sedam komponenti, a učesnici su nakon izvršenih samoprocjena odabrali one komponente koje najbolje odgovaraju njihovim potrebama.

STUDIJSKA POSJETA STALNOJ KONFERENCIJI GRADOVA I OPŠTINA SRBIJE



U okviru projekta „Jačanje kapaciteta saveza općina i gradova u Bosni i Hercegovini“, u periodu od 08. do 10.12.2010. godine, organizovana je studijska posjeta Stalnoj konferenciji gradova i opština Republike Srbije u Beograd. Delegaciju Bosne i Hercegovine ispred projekta „Jačanje kapaciteta saveza općina i gradova u Bosni i Hercegovini“ su činili g-din Erik Boven, tim lider ovog projekta, g-din Mario Vignjević, program koordinator SIDA-e (Švedska agencija za međunarodni razvoj i saradnju) koja je donator projekta, g-din Ćamil Osmanagić, projekt menadžer za Federaciju BiH, g-din Milun Grahovac, projekt menadžer za Republiku Srpsku, g-đa Slavica Rokvić pravni savjetnik u Savezu opština i gradova Republike Srpske, g-đica Dijana Ćorić, finansijski savjetnik u Savezu opština i gradova Republike Srpske, g-đa Selma Fišek, pravni savjetnik u Savezu općina i gradova Federacije Bosne i Hercegovine

i g-đa Dženita Kovačević, finansijski savjetnik u Savezu općina i gradova Federacije Bosne i Hercegovine.

G-din Đorđe Staničić, generalni sekretar Stalne konferencije i g-đa Zorica Vukelić, zamjenica generalnog sekretara, su na početku ove trodnevne posjete istakli da je Stalna konferencija gradova i opština Srbije svojim stalnim razvojem i zalaganjem postala organizacija koja je istinski prepoznata od strane institucija sistema u Srbiji kao legalni i legitimni zastupnik lokalnih vlasti.

Prilikom studijske posjete Stalnoj konferenciji, članovi bosanskohercegovačke delegacije su se upoznali sa organizacijom i aktivnostima Stalne konferencije koja okuplja sve jedinice lokalne samouprave u Srbiji.

IZABRAN NOVI PREDSJEDNIK VIJEĆA EVROPSKIH OPĆINA I REGIONA (CEMR)

LUXEMBURG, 6. decembar/prosinac – Gradonačelnik Štutgarta (Stuttgart), Wolfgang Šuster (Wolfgang Schuster), izabran je za novog predsjednika Vijeća evropskih općina i regiona (CEMR) na sjednici Političkog vijeća CEMR-a održanoj 6. decembra/prosinca 2010. godine koja je održana u gradu Mondorf-les-Bains, Luksemburg.

Šuster, koji je i predsjednik Njemačke sekcije CEMR-a, identifikovao je brojne prioritete, uključujući jačanje lokalne demokratije u Evropi i politički glas evropskih lokalnih i regionalnih vlasti i njihovih predstavnika, nacionalnih asocijacija.



Prilikom prvog obraćanja članovima Političkog komiteta, novoizabrani predsjednik je naglasio da CEMR "treba da postane aktivan partner u Strategiji Evropa 2020, budući da su svi važni izazovi koji se razmatraju na evropskom nivou izazovi sa kojima se suočavaju i lokalni i regionalni nivoi. Evropa će biti uspješna samo ako politički sistemi svih nivoa vlasti rade zajedno u duhu partnerskog upravljanja. CEMR bi mogao biti motor novog evropskog modela upravljanja dokazujući da su novi oblici saradnje zasnovani na ugovorima efikasan i uspješan način rješavanja naših problema na svim političkim nivoima".

"CEMR takođe treba da unaprijedi svoju ulogu kao forum za debatu i saradnju lokalnih i regionalnih vlasti u Evropi, posebno kada se uzme u obzir da se prenos znanja i obuka za kvalifikaciju lokalnih i regionalnih uprava pokazao uspješnim, a naročito u poslednjih dvadeset godina".

Šuster je među svojim prioritetima takođe identifikovao i davanje ljudskog lica Evropi putem promovisanja projekata bratimljenja i građanskog učešća, kao i promovisanja i jačanja međunarodne solidarnosti preko CEMR-ove PLATFORME, *Evropske platforme lokalnih i regionalnih vlasti za razvoj*.

Mandat predsednika Šustera, koji je na ovoj funkciji nasledio gradonačelnika i guvernera Beča, Michaela Häupla, trajaće tri godine.
